



**ՄԱՐԴՈՒ ԻՐԱՎՈՒՆՔՆԵՐԻ ԵՎՐՈՊԱԿԱՆ ԴԱՏԱՐԱՆԻ ԴԱՏԱՎՈՐԻ  
ՊԱՇՏՈՆՈՒՄ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՈՂՄԻՑ ԱՌԱՋԱԴՐՎՈՂ  
ԹԵԿՆԱԾՈՒՆԵՐԻ ԸՆՏՐՈՒԹՅԱՆ ՄՐՑՈՒԹԱՅԻՆ ՀԱՆՁՆԱԺՈՂՈՎ**

---

**ՈՐՈՇՈՒՄ**

**27 հունվարի 2015, 8 - Լ**

ՄԱՐԴՈՒ ԻՐԱՎՈՒՆՔՆԵՐԻ ԵՎՐՈՊԱԿԱՆ ԴԱՏԱՐԱՆԻ ԴԱՏԱՎՈՐԻ  
ՊԱՇՏՈՆՈՒՄ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՈՂՄԻՑ ԱՌԱՋԱԴՐՎՈՂ  
ԹԵԿՆԱԾՈՒՆԵՐԻ ԸՆՏՐՈՒԹՅԱՆ ՄՐՑՈՒԹԱՅԻՆ ՀԱՆՁՆԱԺՈՂՈՎԻ 2014  
ԹՎԱԿԱՆԻ ՍԵՊՏԵՄԲԵՐԻ 1-Ի ԹԻՎ 1-Լ ՈՐՈՇՄԱՆ, ԴՐԱ ԹԻՎ 1  
ՀԱՎԵԼՎԱԾՈՒՄ, 2-Լ ՈՐՈՇՄԱՆ ՀԱՎԵԼՎԱԾՈՒՄ, 3-Լ ՈՐՈՇՄԱՆ ՄԵՋ  
ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Ղեկավարվելով Հայաստանի Հանրապետության Նախագահի 2014 թվականի օգոստոսի 2-ի թիվ ՆՀ-199-Ն հրամանագրով հաստատված «Մարդու իրավունքների եվրոպական դատարանի դատավորի պաշտոնում Հայաստանի Հանրապետության կողմից առաջադրվող թեկնածուների ընտրությունն իրականացնող մրցութային հանձնաժողովի գործունեության և թեկնածուների ընտրության կարգի» 5-րդ կետի 1-ին և 6-րդ ենթակետերով՝ Մարդու իրավունքների եվրոպական դատարանի դատավորի պաշտոնում Հայաստանի Հանրապետության կողմից առաջադրվող թեկնածուների ընտրությունն իրականացնող մրցութային հանձնաժողովը **որոշում է**.

1. Մարդու իրավունքների եվրոպական դատարանի դատավորի պաշտոնում Հայաստանի Հանրապետության կողմից առաջադրվող թեկնածուների ընտրությունն իրականացնող մրցութային հանձնաժողովի (այսուհետ՝

Հանձնաժողով) 2014 թվականի սեպտեմբերի 1-ի թիվ 1-Լ որոշման 1-ին կետի 1.2. ենթակետում «փաստաբանի» բառից հետո լրացնել «Հայաստանի Հանրապետության» բառերը:

2. Հանձնաժողովի 2014 թվականի սեպտեմբերի 1-ի թիվ 1-Լ որոշման թիվ 1 հավելվածում՝

2.1. «Ցանկություն ունեմ մասնակցելու Մարդու իրավունքների եվրոպական դատարանի դատավորի պաշտոնում Հայաստանի Հանրապետության կողմից առաջադրվող թեկնածուների ընտրության մրցույթին:» նախադասությունից հետո լրացնել նոր պարբերություն՝ հետևյալ բովանդակությամբ՝ «□ Հայտնում եմ, որ հանդիսանում եմ 02.09.2014 թվականին հայտարարված Մարդու իրավունքների եվրոպական դատարանի դատավորի պաշտոնում Հայաստանի Հանրապետության կողմից առաջադրվող թեկնածուների ընտրության մրցույթի հարցազրույցի ամփոփման արդյունքներով Հանձնաժողովի կողմից գնահատված թեկնածու և խնդրում եմ հիմք ընդունել նախկինում իմ ներկայացրած փաստաթղթերը»:

2.2. «□ հայտարարություն անհատական տվյալներ ստանալու համաձայնության վերաբերյալ» բառերից հետո լրացնել նոր պարբերություն՝ հետևյալ բովանդակությամբ՝ «□ դիմումը և կից փաստաթղթերն առձեռն հանձնելու՝ հասարակ գրավոր ձևի լիազորագիր (եթե դրանք հանձնում է այլ անձ)»:

3. Հանձնաժողովի 2014 թվականի սեպտեմբերի 1-ի թիվ 2-Լ որոշման հավելվածում՝

3.1. 1-ին կետը շարադրել հետևյալ խմբագրությամբ՝ «Մարդու իրավունքների եվրոպական դատարանի դատավորի պաշտոնում Հայաստանի Հանրապետության կողմից առաջադրվող թեկնածուների ընտրությունն իրականացնող մրցույթային հանձնաժողովի (այսուհետ՝ հանձնաժողով) նիստերը վարում է տարիքով ավագ անդամը»:

3.2. 2-րդ կետի 1-ին նախադասության «նիստերի» բառից հետո լրացնել «հրավիրումը և» բառերը,

3.3. 2-րդ կետից հետո լրացնել նոր 2<sup>1</sup>. կետ՝ հետևյալ բովանդակությամբ.

«2<sup>1</sup>. Մարդու իրավունքների եվրոպական դատարանի դատավորի պաշտոնում Հայաստանի Հանրապետության կողմից առաջադրվող թեկնածուների ընտրության մրցույթի ընթացքում հրապարակման ենթակա տեղեկություններն են.

2<sup>1</sup>.1. հանձնաժողովի նիստերի արձանագրությունները, որոնք հրապարակվում են նիստին հաջորդող երեք օրվա ընթացքում Հայաստանի Հանրապետության արդարադատության նախարարության պաշտոնական կայքում տեղադրելու եղանակով.

2<sup>1</sup>.2. յուրաքանչյուր օրվա ընթացքում ընդունված դիմումների մասին տեղեկատվությունը, որը Հայաստանի Հանրապետության արդարադատության նախարարության պաշտոնական կայքում տեղադրելու եղանակով հրապարակվում է մեկօրյա ժամկետում».

3.4. 4-րդ կետից հետո լրացնել նոր 4<sup>1</sup> կետ՝ հետևյալ բովանդակությամբ.

«4<sup>1</sup>. Հրամանագրի 15-րդ կետով նախատեսված գրանցամատյանում ենթակա են գրանման.

4<sup>1</sup>.1. անձամբ ներկայացած հավակնորդի (լիազորված անձի միջոցով փաստաթղթեր ներկայանցնելու դեպքում նաև լիազորված անձի) կամ փոստով փաստաթղթերն ուղարկած անձի անուն, ազգանուն, հայրանունը.

4<sup>1</sup>.2. փաստաթղթերը ստանալու օրը և ժամը.

4<sup>1</sup>.3. նշումներ փաստաթղթերի լրիվության վերաբերյալ.

4<sup>1</sup>.4. հավակնորդի կամ նրա լիազորված անձի ստորագրությունը, իսկ փոստով փաստաթղթերը ստանալու դեպքում՝ փոստային ծրարի ծածկագրի համարը:»,

3.5. 10-րդ կետը շարադրել հետյալ խմբագրությամբ՝ «Հարցազրույցին մասնակցում է անգլերենի և ֆրանսերենի երկուական մասնագետ: Հանձնաժողովը որոշում է կայացնում դիմել Հայաստանի Հանրապետության կրթության և գիտության նախարարին մրցույթին ներգրավելու համար անգլերենի և ֆրանսերենի երկուական մասնագետների թեկնածություններ ներկայացնելու նպատակով:»

4. Հանձնաժողովի 2014 թվականի սեպտեմբերի 1-ի թիվ 3-Լ որոշման 14-րդ կետը ճանաչել ուժը կորցրած:

Հանձնաժողովի նիստը վարող

Գ. ՀԱՐՈՒԹՅՈՒՆՅԱՆ